



WWW.SOLODIPUEBLO.COM



SOLODIPUEBLO@GMAIL.COM

3 AÑA DI PRISON PA HOMBER CU A PURBA TRAFICA 5 KILO DI COCAINA DEN ROLSTOEL



MINISTER PRESIDENTNAN DI ARUBA, CORSOU Y SINT MAARTEN TA ATENDE REUNION NA NACIONAN UNI

Conferencia Commission On Status Of Women



HOGESCHOOL ROTTERDAM TA BRINDA OPORTUNIDAD NA STUDIANTE ARUBANO PA SIGUI ENSEÑANSA DI HBO SIN DIPLOMA ATRAVES DI E TRAYECTO DI 21+.



CU SALIDA DI JOOST MEJIS DI AIRPORT, TA BIRA HORA PA NOS HENDENAN DIRIGI AEROPUERTO

Director di airport Joost Mejis lo ta den su dianan final como Director (CEO) di Aeropuerto, despues cu el'a entrega su retiro y kier busca horizontenan nobo. SOLO DI PUEBLO ta dese'e tur clase di exito.

Ta yega ora si, cual ta bon memento, pa nos hendenan local por subi di posicion y ocupa e puesto aki. Pa hopi años nos tabatin directornan manda di Hulanda. Nada contra nan. Nan a yuda nos pone airport riba pia. Masha danki!!! Pero, ta yega ora si cu nos

mester aprecia y valora nos propio hendenan. SOLO DI PUEBLO ta haci un yamada fuerte pa Arubianonan cu tin capacidad pa maneha airport, pa cuminsa laga nan interes resona. Nos no ta bisa cu Schiphol Group mester bay, sino cu nan mester reconoce nos hendenan tambe. SOLO lo keda vigilante riba e desaroyo aki y ta haci yamada pa hasi todo por todo pa nos hendenan por ocupa funcionan importante. Nos ta kere cu nos hendenan por y nos sa cu nan por.



Partido MEP:

MEP NA JUNI CROES (AVP)

“Pa e pueblo di Aruba, trahado y integro, 14 miyon Euro ta masha hopi placa mes”

	2017	2022	VERSCHIL	%
Reis- en Verblijfskosten	155.400,00	123.061,00		
Voorlichting en Promotie	1.008.600,00	124.417,00		
Lease voertuigen	58.500,00	24.096,00		
TOTAAL	1.222.500,00	271.574,00	-950.926,00	-78%

Quarantine moet ook hierbij worden opgenomen dat het bestedingsoverzicht 2022 een begrotingsuitputting op deze post van 98% laat zien. De kosten zijn dus binnen de vastgestelde begroting gebleven.

BUREAU MINPRES	EMAN 2017	WEVER-CROES 2022	VERSCHIL	%
Aantal medewerkers	147	23	-124	
Totale salariskosten	11.323.300,00	2.273.366,00	-9.049.934,00	-80%

Overigens moet hierbij worden opgemerkt dat het bestedingsoverzicht 2022 een begrotingsuitputting op deze post van 98% laat zien. De kosten zijn dus binnen de vastgestelde begroting gebleven.

Overige kosten

E politico nobo riba lista di AVP Juni Croes, recientemente a sali cu un cantidad di mentira puntando dede riba e compromisonan cu ministernan di Gabinete Wever-Croes tin den exterior, y segun Juni, sin logra nada. Mentiranan nada straño pa un partido lardon y corrupto manera AVP. Juni Croes di AVP ta un politico cu ta brasa corrupcion y esey ta haci’e mes of mas corrupto cu Benny Sievinger.

Juni Croes ta referi na e ultimo biahe di Prome Minister pa Belgica, na unda a firma cu Union

Europeo pa Aruba haya 14 miyon Euro. Acaso esey no ta nada, e no ta un logro grandi? Claro, si compara e suma aki cu tur loke su lidercito Mike Eman y henter su gabinete a horta di pueblo, 14 miyon Euro no ta nada. Pero pa e pueblo di Aruba, trahado y integro, 14 miyon Euro ta masha hopi placa mes.

Partido MEP ta conseha Juni Croes pa bay studia e historia di su partido y su lidercito. P’esey laga nos compara gastonan di su lider cu gastonan di lider di MEP:



GASTO DI PERSONAL: Mike Eman tabata tin 147 hende riba su payroll, gran mayoria no mester a presenta na trabou. E gastonan tabata 11.3 miyon florin.

Minister President Evelyn Wever-Croes tin 23 hende riba su payroll, y e gastonan ta 2.2 miyon florin.

GASTO DI BIAHE Mike Eman tabata biaha mundo rond sin logra trece placa pa Aruba, su gastonan tabata 155 mil florin pa aña, sin conta cuanto gasto e tabata pone companianan manera Elmar, WEB, Utilities paga pa su fotografonan bay. Total e gastonan di biahe

di Eman tabata surpasa 400 mil florin. E gastonan di biahe di Minister President Evelyn Wever-Croes no ta ni mitar di esey.

Y Juni Croes mester corda tambe cu Mike Eman ta biaha den avion priva, mientras Minister President Evelyn Wever-Croes ta biaha den trein! Cuanto biaha el a bay Venezuela den avion priva pa supuestamente habri Citgo sin logra nada. Mientras cu Minister President a bay Bruselas den trein y haya 14 miyon Euro.

Pues cu hopi menos placa

Minister President Evelyn Wever-Croes ta logrando hopi mas cu Mike Eman. Unico cos cu Mike Eman a logra ta un gang di minister corrupto, y su welga di hamber y Ensure.

CONSEHO DI MEP PA JUNI CROES:

Un conseho pa e politico nobo Juni Croes: si bo kier pa hende tuma bo na serio, bo mester haci dos cos: 1) stop di gaña, busca informacion pa bo no pasa pa bobo. 2) sali for di AVP pasobra ningun politico di AVP lo wordo tuma na serio.

HOMBER A DJIES YEGA PARA SU AUTO DILANTI GARASHI DI UN CAS BLOKEA E ENTRADA

Diasabra madruga a drenta informe di cu tin un auto para dilanti un garashi di un cas strobando e dama pa drenta su cas na Kamerlingh Onnesstraat, mesora a dirigi un patruya na e sitio. Na yegada di e patruya a bin encontra cu un auto desconosi ta para dilanti e entrada y a

solicita un takelwagen pa asina kita e auto for di e sitio. Net un tiki prome cu e takelwagen a yega e chauffeur a presenta pa hala e auto pero polis a atende seriamente cun’e y a dun’e su merecido boet!





Noticia di Corte

3 AÑA DI PRISON PA HOMBER CU A PURBA TRAFICA 5 KILO DI COCAINA DEN ROLSTOEL ELECTRONICO

Den Corte di Husticia a trata e caso penal cu Ministerio Publico a cuminsa contra e homber Arubiano M.K. (64) biba na Hulanda. E ta wordo acusa di a exporta 5 kilo di cocaina.

SOLODIPUEBLO por a compronde cu M.K. tabata desmenti categoricamente cu e tabata sa cu tin droga scondi den e rolstoel electronico. Sinembargo tanto Fiscal como Hues a hay'e culpabel.

EXPORTA COCAINA

Dia 7 September 2023, miembronan di Douane a detene M.K., ora cu e cacho anti droga a reacciona riba e rolstoel electronico cu M.K. tabata sinta ariba. A resulta cu den e rolstoel electronico tabatin 5 kilo di cocaina scondi. M.K. tabata cla pa bay bek Hulanda.

Den Corte M.K. a bisa Hues cu e tabata usa un rolstoel electronico door cu e tin problema cu lomba. El a splica cu e por cana pero ora e cuminsa haya dolor of ora e tin cu cara y para hopi, e ta usa e rolstoel electronico.

ACUSADO TA DESMENTI

El a splica Hues cu el a haya e rolstoel electronico for un instancia na Hulanda pa usa. El a desmenti categoricamente cu el a trafica cocaina. El a bisa Hues cu e no sa mes cu tabatin cocaina. Hues a mostra cu Douane Recherche a usa cacho anti droga y a bin haya 7 paki di cocaina scondi den e rolstoel cu ta pisa 5 kilo. M.K. a bisa Hues cu e no tin idea mes con e droga tabata den e rolstoel electronico.

Hues a bisa cu e agentenan di narcotica a papia cu e chofer di taxi cu a hiba M.K. aeropuerto. E chofer a declara cu el a bay busca M.K. na un hotel den Playa. Segun e chofer, e mester a warda te ora un pick up blanco a trece e rolstoel electronico. Segun M.K. e chofer ta bisa cos cu no ta asina. El a bisa Hues cu e rolstoel

electronico tabata para ey banda mes y e chofer di taxi a yud'e dobla e stoel y hinca den e taxi.

Hues a mostra cu Polis a check e celular di M.K. Tin diferente yamada for di Hulanda y Polis ta sospecha cu un persona cu ta usa e number "lider" lo a prepara henter e transporte di cocaina. Segun M.K. su celular no tin nada di haci cu e caso. E ta haya cu esaki ta speculacion di Polis. Hues a mostra cu M.K. tin carchi di castigo na Hulanda y Francia cu casonan di droga.

FISCAL

Fiscal a bisa cu a haya 5 kilo di cocaina den e rolstoel electronico. Na opinion di Fiscal, un pasahero ta responsabel pa loke e ta hiba. El a bisa cu M.K. ta desmenti di sa di droga. Pero e tin sentencia pa droga na Hulanda y Francia. Tin imagennan cu ta mostra cu M.K. por cana bon. E no tin relato di dokter cu ta mostra cu e tin problema cu lomba. E ta bisa cu el a haya e rolstoel electronico for di un instancia na Hulanda. Fiscal a sigui bisa cu e chofer di taxi ta bisa cu na e hotel e mester a warda pa un pick up trece e rolstoel electronico.

Fiscal ta haya M.K. un residivista di droga y a exigí 42 luna di prison. Fiscal a exigí tambe pa e rolstoel electronico y e celular di M.K. keda confisca. Fiscal ta haya cu for di e celular por conclui cu tabatin combersacion riba droga.

DEFENSA DI ABOGADO

Abogado mr. Emerencia a bisa Hues cu M.K. ta para riba cu e no a transporta droga. Na opinion di e aboghado, M.K. ta consistente cu e no sa con e droga a yega den su rolstoel electronico. E abogado a bisa cu Fiscal ta bisa cu M.K. ta responsabel pa loke e ta viaha cun'e. Segun e abogado, M.K. no tabatin bista constante riba su rolstoel electronico tur ora durante su estadia

na Aruba. M.K. no ta contento cu e forma con el a wordo trata. E abogado a bisa Hues cu M.K. ta mostra agresivo pero no ta asina. E tin problema na lomba y ora e sinti dolor e ta usa e rolstoel electronico. Segun e abogado, hopi biaha M.K. tabata cana y e rolstoel electronico ta keda para. E abogado a bisa Hues cu por bien ta cu tabatin un plan pa pone e droga den e rolstoel electronico y ora e yega na Hulanda, e ta wordo saca promer cu e rolstoel electronico yega den man di M.K. E abogado a bisa Hues cu M.K. no por duna splicacion pasobra e no sa di nada di droga. E abogado ta haya cu e rolstoel electronico y e celular mester debilbe na M.K. El a remarca cu Fiscal kier conclui cu lo tin combersacion di droga pero no tin prueba.

SENTENCIA

Hues a sera tratamiento di e caso y a pospone e caso pa bay pensa riba un sentencia. Despues di rato Hues a presenta y a dicta sentencia di biaha. Hues ta haya legalmente proba cu M.K. a transporta droga. Hues a mostra cu e chofer di taxi a bisa cu mester a warda pa un pick up trece un rolstoel electronico. Hues a bisa cu e no ta kere M.K., cu M.K. no sa di nada. Hues a bisa cu e no ta kere cu un hende ta bay hinca droga den un rolstoel electronico sin sa na unda esaki ta bay.

CASTIGO

Na opinion di Hues, mirando M.K. su carchi di castigo, por pensa cu e lo a purba hiba droga Hulanda. Hues ta comparti punto di bista di Fiscal cu tur pasahero ta responsabel pa su cosnan cu e ta viaha cun'e. Hues ta haya M.K. un residivista di droga. Hues a condena M.K. na 36 luna di prison, kitando e tempo cu e ta sera den KIA. Hues a bisa cu e rolstoel electronico ta keda confisca pero mester debilbe e celular.

CAMBIA PERSPECTIVA TOCANTE OBESIDAD: SA BO NUMBER Y MIDI BO PESO



Partido MEP

Partido MEP na Parlamentario Mike de Meza

UNDA BO TAWATA TA E ULTIMO AÑANAN CU BO NO A WORRY NI APORTA CU CAMBIO DEN NOS PAIS?



Partido MEP a cuminsa nota cu politicianan di AVP a cuminsa saca nan sapato nobo di campaña y cuminsa lansa criticanan den direccion di Partido MEP. Den e caso di Parlamentario Mike de Mesa, cu pa hopi tempo no a presenta na Parlamento y tempo tempo ta muestra su cara den reunionnan publico di Parlamento, awo numa cu ta drentando campaña electoral, a realiza cu cierto propiedad di recreacion no a haya atencion. Cu esaki, Partido MEP ta puntra Parlamentario de Meza, unda bo tawata ta prome anto cu bo no a worry te cu awo cu mantencion di un parke? Unda bo tawata ta cu ta te awo bo tin pueblo na pecho? Kico bo

a haci tur tempo cu bo ta parlamentario y kico bo ta haciendo cu bo no ta atende trabou, reunion, no ta aporta na cambio di nos pais den ningun reunion di Parlamento, pero si e ta ganando un bon salario? Unda bo tawata ta e ultimo añanan cu bo no a worry ni aporta cu cambio den nos pais? Mike de Meza, den su sapato nobis nobis di campaña, awo den pura kier cuminsa gasta sapato y busca buraconan pa critica Gobierno di MEP. Pero, Mike de Meza su hambresa pa poder y cieguedad politico di envidia, no ta lag'e mira e tur logronan di Gobierno di MEP den mantencion, renobacion y construccion

di luganan di recreacion pa nos hobennan rond di Aruba. Ministr di Deporta Endy Croes ta publica cada logro na bienestar di nos hubentud. Pasobra nos gobierno ta traha pa nos hubentud tin miho oportunidadnan.


Pero Mike de Meza no mester crusa brug pa wak logronan di Gabinete Wever-Croes. Pasobra Gobierno di Gabinete Wever-Croes desde inicio ta trahando riba con pa mehora San Nicolas y ya varios proyecto a keda cla. Entre otro, Mike de Meza, por sali rato for di su camber, cana rond den su cura di cas, y disfruta di e logronan di Gabinete Wever-Croes rond di dje. Wak un hotel, Baby Beach y Rodgers Beach den desaroyo.



Y tambe si Mike de Meza kier ta obhetivo, e por bay keiro rato den centro di ciudad na San Nicolas y wak cambionan. Y ainda tin hopi proyecto cu pa e aña aki lo keda realisa pa atrae bishitantenan pa e parti di nos isla algo, pa crea cuponan di trabou y facilita ciudadanonan pariba di brug mas trabounan cerca di nan cas.

Gobierno di Aruba ta

trahando pa progreso di cada skina di nos pais. Si Mike de Meza cana woro habri y gasta su sapato politico den tur e añanan cu e ta den Parlamento, e lo a ripara tur loke nos gobierno a logra prome y despues di un reto asina devastador manera e pandemia cu a kibra nos economia. Pero, cu sosten di nos pueblo, Gobierno di Aruba ta trahando pa surpasa tur reto pa un Aruba mas fuerte y resiliente.

<div> OPENBAAR MINISTERIE</div>		
Corte di Prome Instancia 21 maart		
Horario	Sospechoso	Acto Castigabel
14.00	O.N.T.	Pro forma. T. ta wordo acusa di a bende cocaine y marihauna den e periodo di prome di december 2021 te prome di december 2023.
Corte di Prome Instancia 22 maart 2024		
Horario	Sospechoso	Acto Castigabel
08.30	S.J.M. A.L.F. J.A.M.M.	M., F. y M.M. ta wordo acusa di posesion di arma di candela riba 16 di september 2023.
10.00	M.T.E.	E. ta wordo acusa di a menaza un persona cu morto of cu cendemento di candela riba 22 y 23 di juli 2023 dor di bise (entre otro): "M****o, mi ta tira bo mata" y/of "Bin mi lugar awor pa nos mata otro" y whatsapp e: "Hijo de p**a. Te quede esperando. Como una m****a no veniste" y mas. El a acusa otro persona cu morto riba 16 di augustus 2023.

CHARLA TOCANTE BIDA Y OBRANAN DI MARIO A. DIJKHOFF



Den Haag – Pa dia internacional di idioma materno, Dutch Caribbean Book Club a organisa un evento na Curacaohuis na Den Haag. Presenta na e evento aki tabata Minister Plenipotenciario di Aruba Ady Thijssen.

E programa a cuminsa cu un charla di Jorge Labadie Solano den cual ela comenora Antoine J. Maduro. Despues Gregor Dijkhoff a tene un

charla tocante su difunto tata Mario Dijkhoff, linguista/autor Arubiano cu ta conoci pa su diccionario/woordenboek Nederlands-Papiaments/Papiaments-Nederlands.

Riba un di e portretnan por mira e autor cu su sistema di “kaartenbakken”. Den e bakinan aki tabata tin carta unda a skirbi palabra cu su nificacion. Esey tabata su sistema pa traha, paso e tempo ey no tawatin

PC/laptop. Su difunto casa Ruth Dijkhoff tabata type anochinan largo (supuestamente durante un par di aña) ariba type mashine pa caba cu e trabou di typemento di e diccionario. Tabata un proyecto masha grandi cu e autor a logra hunto cu su casa durante e periodo 1977 – 1980.

Banda di e diccionario, Gregor a presenta tur e otro obranan cu hopi persona no conoce y a duna informacion con e autor tabata traha, su proceso di skirbi buki y con su bida a bai en general. Tambe a repasa varios kaft cu e bukinan tabata tin. Despues Collin Edson a finalisa e evento cu un dictée Papiamentu.



Gregor Dijkhoff ta duna curso di Papiamento na Hulanda y a funda Stichting Dijkhoff Papiamento Cursussen cu a herdruk casi tur buki di Mario Dijkhoff. E titulonan di e demas obranan ta: Papiaments stap voor stap (Papiamento voor beginners), Proverbio y Dicho di Aruba, Gramatica di Papiamento y Terminologia Gramatical.

Recien Gregor y su ruman Maik a publica e bukinan nobo Papiamento Step by Step (Papiamento for beginners) & Papiamento Paso a Paso (Papiamento para principiantes). Por contact via www.dijkhoff-talen.nl social media: @dijkhofftalen y @papiamentodictionary.

Nota pa redaccion: E portretnan ta cortesía di Arubahuis

HOGESCHOOL ROTTERDAM TA BRINDA OPORTUNIDAD NA STUDIANTE ARUBANO PA SIGUI ENSEÑANSA DI HBO SIN DIPLOMA ATRAVES DI E TRAYECTO DI 21+.



11 di maart 2024 - Bo no tin diploma di HAVO, VWO, MBO nivel 4 of MBO largo cu ta permiti bo pa wordo admitti na e estudio di bo preferencia? Y bo tin 21 aña of mas riba 1 di Oktober 2024 y bo ta desea di cuminsa un associate

degree of un bachelor na September 2024? Nos tin bon noticia pa bo! Haci e Examen di Admision 21+. Si bo completa e examen cu exito, bo por wordo admitti na e estudio di bo escogencia na Hogeschool



Rotterdam.

E trayecto aki ta inclui un test di habilidad y un maximo di 4 examen di admision.

Si bo completa e trayecto cu exito, bo por cuminsa e estudio di HBO di bo preferencia na

Hogeschool Rotterdam na September 2024!

Esaki ta un oportunidad unico pa e studiantenan sigui nan soño y sigui enseñansa avansa na nivel di HBO, hasta sin diploma di scol secundario.

Registra AWE ainda pa

e anochi informativo online cu lo tuma luga riba diaranson proximo 13 di maart for di 19:00-20:00. Manda un email pa hogeschoolrotterdam.aruba@gmail.com pa registra. Lo bo ricibi un link pa e zoom meeting.

ARUBA DOET 2024 TA CLA PA CUMINSA



Diabierna y diasabra dia 15 y 16 di maart 2024 lo tuma luga e di 12 edicion di Aruba DOET! Un inicia<va di CEDE Aruba den cooperacion cu Oranje Fonds, unda organisacionnan social y boluntarionan ta bini hunto pa haci trabou pa of ac<vidadnan social cu un grupo di interes.

Aruba DOET <n e aña aki un total di 172 proyecto cu mester di 3.500 boluntario. Actualmente <n mas cu

3.000 boluntario cu a registra caba, pero ainda mester di hopi boluntario pa por realisa tur e proyectonan aki. Ainda <n posibilidad pa registra via e website arubadoet.com.

Pa e apertura oficial, Aruba DOET ta invitabo pa e proyecto social di S<ch<ng Schouwburg Aruba na Cas di Cultura. Nan ta organisa un proyecto social cu un concierto di the Blue Mermens, un sing along y tambe

algun surprise acts! E apertura oficial lo tuma luga un dia prome cu Aruba Doet, locual ta diahuebs, 14 di maart 2024. Porta ta habri di

6:30pm y entrada ta gra<s. Reserva bo luga via email: info@casdicultura.aw.

Aruba Doet ta invita esunan cu no a registra ainda, pa bishita e website www.arubadoet.com pa mira y registra pa un di 172 proyectonan of pa cualkier di e siguiente proyectonan cu <n un gran necesidad ainda

na boluntarionan:

ViperStrong (Fundacion pa Conscien<sa Hubentud) Pasadia Infan<l Te Aworo Centro di Bario Tanki Leendert

S<ch<ng Centrum Sabana Grandi So_ball Organiza<on

S<ch<ng The Goat Aruba SV Racing Club Aruba

De Schatkist Peuterschool en Naschoolse Opvang

Gihae tang soo do y gymnas<cs s<ch<ng Scout



Groep Baden Powell Cacique
Fundacion Grupo Scout Colegio EPI

RECONOCIMIENTO PA EX BURGEMEESTER KOMPIER DI VENRAY



Den Haag – Durante di un ceremonia special na Gabinete di Aruba, ex burgemeester di Venray Leontien Kompier a ricibi un reconocimiento di Gabinete di Minister Plenipotenciario di Aruba. Na e ocasion aki a nombra señora Kompier como “Loyal Amity Envoy”. Minister Plenipotenciario mr. Ady Thijsen hunto cu Prome Minister mr.

Evelyn Wever-Croes a haci entrega di un escultura di glas den forma di un Watapana como simbolo di e reconocimiento aki. E reconocimiento aki ta pa señora Kompier su sosten incondicional na Aruba y tambe su sentimiento caluroso pa nos pais.

Minister Thijsen a cuminsa bisa cu desde un principio su persona tabata tin un

click caluroso cu señora Kompier y di su banda a muestra cu e ta habri pa yuda pa yega na forman di cooperacion entre Venray y Aruba. “Ta door di e bon contactonan -conhunto cu miembro di gemeenteraad di Venray Amira Luydens-Dabian – cu a papia di bin cu un “intentie verklaring” entre Venray y Aruba riba e tereno di apicultura y un exposicion riba carnaval. Pa loke ta apicultura, nos a papia cu Universidad di Wageningen cu tambe a muestra interes pa cooperacion’

‘Esaki ta e dinamismo di un persona manera Leontien Kompier cu a muestra cu e tin un curazon grandi pa Aruba y cu e lo kier coopera cu Aruba; haci algo pa

Aruba. Tambe despues di su funcion como burgemeester di Venray y pesey e merece e reconocimiento aki,’ asina minister Thijsen a bisa.

Prome Minister a gradici señora Kompier pa su sosten na Aruba. Premier Wever-Croes: ‘Despues di e pandemia nos ta busca forman di cooperacion. Mi ta spera cu e palabracionnan haci tocante intencion pa cooperacion, rapido lo por keda concretisa, pasobra esaki lo nifica hopi pa Aruba.’

Leontien Kompier su prome palabranan despues di a ricibi e escultura tabata cu e ta sintie hopi honra. ‘Ta un hecho cu desde un principio tabata tin un bon click cu e team di Gabinete

di Aruba y for di Venray tabata tin e intencion pa concretisa e cooperacion. Mi ta spera cu mi sucesor Michiel Uitdehaag lo sigi riba e mesun caminda.

Ami na un otro manera ta dispuesto pa mira kico mi por sigfinica pa Aruba y pa cu e cooperacion cu Hulanda. Pami esaki ta comienso di un combersacion pa mira na cual manera nos por haya otro y reforsa otro. Mi ta dispuesto pa haci uso di mi experiencia y conocimiento pa mira unda mi lo por yuda,’ tabata e palabranan di Leontien Kompier despues di a keda reconoci pa Gabinete di Minister Plenipotenciario como “Loyal Amity Envoy” pa Aruba.

Minister Endy Croes: A TRATA DIFERENTE TOPICO DI VITAL IMPORTANCIA CU SIMAR, EN CONEXION CU ENSEÑANSA DI ARUBA

Recientemente, Minister di Enseñansa y Deporte Endy Croes a reuni cu presidente Sra.

Angelique Quijada y secretario y/of vice-presidente Sr. Anthony Figaroa di Sindicato di Maestro di Aruba (SIMAR). E reunion aki tabata basa riba diferente tema di enseñansa, entre otro, e comision cu ta atendiendo cu e structura di salario di e docentenan, di cual SIMAR ta forma parti. A intercambia diferente idea y a splica unda nan ta y con lo sigui atende e tema aki. Tambe, Minister

Endy Croes a splica SIMAR diferente tema cu actualmente ta atendiendo di e Doorlichting van het Arubaanse Onderwijsbestel, entre otro recomendacion 1 y recomendacion 11. A splica den detaye e Begunstig Beleid, caminda un estudiante na Colegio Arubano tin derecho riba AWG. 555-, si e ta bin den remarke. Minister Endy Croes a amplia esaki tambe desde e aña aki pa otro scolnan secundario. Un alumno por haya te cu AWG. 750-di subsidio,

den caso cu e mayornan ta genera AWG. 42 mil of menos anualmente. Ademas di esaki, a duna un splicacion amplio di e normbedrag cu durante 2023- 2024 a logra haal in cu 12 aña di retraso, unda a aumenta esaki cu AWG. 6.4 miyon structuralmente pa tur schoolbestuur.

E mandatario di Enseñansa y directiva di SIMAR a palabra cu lo keda den contacto cu otro pa keda informa di e desaroyonan den enseñansa di Aruba.



Prome Minister Evelyn Wever-Croes:

MINISTER PRESIDENTNAN DI ARUBA, CORSOU Y SINT MAARTEN TA ATENDE REUNION NA NACIONAN UNI Conferencia Commission On Status Of Women



Prome Minister di Aruba, Evelyn Wever-Croes, Prome Minister di Sint Maarten, Silveria Jacobs y vice Prome Minister di Corsou, Ruthmilda Larmonie-Cecilia, ta atende un conferencia na Nacionan Uni riba e posicion di hende muhe. Durante e

conferencia cu ta cuminsa e siman aki, lo atende cu e avansenan di hende muhenan mundialmente y den Caribe, y lo adresa e retonan creciente.

“Siman pasa nos a celebra dia internacional di hende muhe na Aruba. Durante tur e encuentronan cu mi

a atende diabierna ultimo, a bin dilanti e deseo di hende muhenan pa nan bos wordo scucha y pa nos mira mas participacion di hende muhenan den nos comunidad. Un encuesta recien di Centraal Bureau voor de Statistiek (CBS) a muestra cu 90% di persona kier mira mas hende muhe den posicionnan di gobierno y parlamento. Lamentablemente na Aruba nos ta mira cu e indice di violencia contra mucha muhe y hende muhe ta un problema serio ainda.

Tur e temanan aki ta wordo trata na Nacionan

Uni den e conferencia di ‘Commission on Status of Women’. Mi lo atende e dos prome dianan di e conferencia, den cual mi lo duna e statement den nomber di Reino Hulandes. Alaves mi lo reuni cu institutonan cu ta asisti nos den e lucha pa derecho di hende muhe, UN Women y WorldBank. Semper ta bon pa demonstra kico tur nos hendenan ta haciendo na Aruba riba e tereno aki, den sector publico, sector academico, organizacionnan voluntario y NGO’s. Y ta importante pa scucha kico tur por wordo haci y ayudo cu nos por haya pa asina



logra nos metanan”, Prome Minister Evelyn Wever-Croes a duna di conoce.

MINISTER ENDY CROES TA FELICITA E COREDONAN CU PARTICIPA DEN E 38 EDICION DI ARUBA INTERNATIONAL HALF MARATHON 2024



: Diadomingo ultimo, a tuma luga e famoso Aruba International Half Marathon. Un magno evento deportivo cu a conta cu alrededor di 900 coredo cu a participa den diferente categoria: 21K, relay y 5K. E careda a start for di Joe Laviest Ballpark na San Nicolas y a termina

den e parkeerplaats di Alhambra Mall. For di oranan di tempran di mainta Minister Endy Croes a yega San Nicolas pa duna e coredonan sosten y apoyo. Minister di Deporte Endy Croes a duna un speech, deseando tur e participantenan exito.

Pa exactamente 5:30 di mainta, mandatario di Deporte a duna inicio oficial na e recorrido di 21 km. Minister Endy Croes ta felicita e team di IBISA cu a organisa e gran evento deportivo aki. Tambe, ta gradici KPA, DOW, boluntarionan, team di IBISA y tur cu a contribui

pa haci e careda aki exitoso. Cu disciplina, deseo, dedicion y determinacion ta logra.

Pabien Sra. Lana Gobert y Sr. Alexander Hodge ambos di Aruba, kendenan ta e gandonan absoluto di Aruba International Half Marathon.

Minister Ursell Arends: Paso historico pa Sector Agricola:

QREDITS HUNTO CU GOBIERNO DI ARUBA TA LANSA AGRIFUND



Aruba su sector di agricola ta unico den e simpel hecho cu nos ta enfrenta diferente desafionan. Pa cunukeronan, e retonan pa cuminsa un negoshi di agricultura ta varia di clima, tereno, conocimiento, financiamiento y costo di produccion.

Sinembargo, Aruba su hendenan ta mas unico ainda. For di sistema hidroponico te cu agroforesteria sintropico, Aruba su agricultornan ta liderando cu metodonan cu por defini e futuro di cultivo den regionnan cu tambe ta enfrenta desafio di por ehempel clima.

Dialuna durante conferencia di prensa, Minister Ursell Arends y Minister Geoffrey Wever, hunto cu Sra. Nathaly Harms di Qredits Aruba a lansa oficialmente e Agrifund. A traves di Qredits Aruba, agricultornan por aplica pa financiamiento na un interes reduci di 2% pa sumanan entre Afl. 5.000 te cu Afl. 200.00. Den e forma aki ta facilita e proceso pa agricultornan por sigui desaroya y brinda producto riba mercado local.

Di parti di Gobierno di Aruba,

inauguracion di e Agrifund ta un paso historico y ta refleha e compromiso firme pa fortalece e sector agricola. Agrifund ta simbolisa cumplimento cu no solamente agricultornan diligente pero tambe cu tur ciudadano door di promove e vision pa haci siguridad di alimentacion un realidad concreto.

Presente tabata Sr. Rendell de Kort kende a elabora riba e onderzoek cu e la conduci riba siguridad di alimentacion na Aruba como consultor di World Bank. Un di e sugerencianan di e rapport a toca e parti financiero, cu awor ta wordo realisa den forma di e Agrifund. Tambe e Director di Aruba Agri Development Company N.V., Sr. Jeremy Croes a enfatisa e importancia di tin contacto directo cu nos agricultornan y tende di nan experiencia y sigur nan sugerencianan pa mehora sector

primario.

Segun Minister Arends e siguiente paso den e vision ta e certificacion di Good Agricultural Practices(GAP). GAP lo asegura calidad den produccion agricola, atendiendo cu preocupacionnan di consumidor tocante salud y sostenibilidad ambiental.

Minister Arends ta termina gradiciendo Sra. Nathaly Harms y su ekipo di Qredits Aruba pa nan colaboracion pa cumpli cu e vision di Agrifund. Qredits nan dedicacion y experticio tabata instrumental den e realisacion di Agrifund.

"Cu un vision comparti pa haci di sector primario un pilar economico nobo ta pone cu awe den union, nos ta cumpli cu e agricultornan na bienestar di nos comunidad. Hunto nos ta cosecha futuro" — Minister Ursell Arends

CU E META PA INSPIRA Y MOTIVA HOSPITAL A ORGANISA “OPEN DAG” PA E FUTURO PROFESIONALNAN DEN CUIDO



oracio Oduber Hospital (HOH) a tene su “open dag” riba diasabra 9 di maart cu e meta principal pa hobennan por wordo inspiraymorivaperotambe pa mira e diversificacion di trabounan cu tin na hospital. Mas o menos 200 estudiante di diferente scol a atende e mainta aki cu tabata un exito rotundo. Cathleen Gomez-Hernandez, coordinador di stage na HOH Academy, a expresa cu e hobennan cu a atende e “open dag” por a scucha tocante e diferente disciplinanan cu tin na HOH, papia cu e trahadonan y tambe nan a haya demostracion “LIVE” di diferente tarea cu e trahadonan ta ehecuta manera por ehempel reanimacion, con pa pone

gips, con pa hinca infuus den brasa y siña tocante e curpa humano. Tambe nan por a haya un “tour” riba departamento di radiologia, revalidatie y camber di operacion.

Informa y inspira

E meta di HOH durante e “open dag” tabata pa informa e hobennan tocante e diferente trabounan cu tin na hospital. Pero tambe pa inspira nan pa asina den futuro nan bay studia y sigui nan carera den mundo di cuidu na Horacio Oduber Hospital. Tabatin presente diferente departamento, esta di cuidu mes te na e departamentonan cu ta brinda sosten manera cushina, IT y mas.

Por ultimo Cathleen Gomez-Hernandez a gradici tur e departamentonan cu a duna di nan banda y hinca un booth interactivo y profesional den otro pa asina por informa tur e studiantenan cu a presenta durante e “open dag” informacion inspirativo. Sin duda, mester gradici e mayornan cu ta stimulo e hobennan cu a presenta ne mainta aki pa hunto nan traha riba un posibel futuro briyante pa nan mes den e mundo di hospital.

Dia exitoso

Gregory Croeze, miembro di Hunta di Directiva di HOH, a comenta cu hospital ta traha cu diferente especialista, dokter, nurse, nurse specialisa y mas pero no lubida cu un total di 50% di e empleadonan di HOH ta traha indirectamente den cuidu. Pues tin personal den cushina, den IT, Recurso Humano, Administratie y mas. Hospital ta conta cu alrededor di 1200 trahado den tur tipo di funcion cu por imagina, pues cuminsando den tur loke tin di haber cu cuidu te na personal cu tin di haber cu finanzas y mas.

Croeze a comenta cu HOH Academy ta duna diferente curso pa esnan cu kier specialisa den nan profesion, por ehempel si bo ta un Basis Verpleegkundige, HOH ta ofrece pa durante bo carera bo sigui bo estudio pa specialisa den por ehempel



OK Verpleegkundige, Dialyse Verpleegkundige, E n d o s c o p i e Verpleegkundige y mas. Tambe si acaso den e periodo cu e hoben ta studiando e tin deseo di stage, por acerca HOH tambe cu ta ofrece diferente cupo pa haci esaki cerca nos.

Hunta di Directiva y team di maneho completo ta gradici HOH Academy pa un tremendo “open dag” cu alrededor di mas o menos 200 estudiante cu a bishita nos. “Spera e dia aki por inspira y motiva e muchanan pa nan bay studia den e ramo di cuidu”, asina Gregory Croeze a termina bisando.

PA UN PROYECTO NOBO PA YUDA E DESAROYO DI NOS ATLETANAN DI RENDIMIENTO LOCAL COA TA BUSCA PREPARADORNAN FÍSICO

Den cuadro di un proyecto nobo, unda lo brinda ayudo adicional na atletanan di alto rendimiento di Aruba den e categoría di Youth, Junior y Senior, Comité Olímpico Arubano ta buscando algún entrenador capacita pa asina forma parti di e team dinámico cu lo eherce e tareanan como “entrenador di preparacion físico”. Esaki ta un posicion full time cu posibilidad di algún part time. E trabounan aki lo ta bou di guía di un comision di algun profesional ca ta forma di COA, y lo duna e guía necesario pa asina sigura un bon nivel di ehecucion.

Algun requisito pa tin den mente pa ora ta desea di aplica:

- Por planifica entrenamiento riba escrito y

grafico y/of dispuesto pa siña esaki

- Ta disponibel full time/part time a base di “freelance contract” cu COA
- Transporte propio, pa ora mester hasi entrenamiento riba tereno
- Por traha independiente y den team
- Abilidad pa siña y ta critic di informacion
- Ta dispuesto pa traha ora varia a base di necesidad di e atletanan
- Bon den comunicacion por escrito y verbal
- Experiencia previo un “plus-punt”
- Certificacion ta un “plus-punt”
- Dispuesto pa sigi curso (local y internacional)

Si ta desea di aplica y/of ta desea mas informacion, por email na info@olympicaruba.com pa mas informacion.

NOS TA BUSCANDO TALENTO

ENTRENADOR:
PREPARACION FISICO
FULL-TIME / PART-TIME

Kier mas informacion?
Manda bo CV na:
info@olympicaruba.com



Parlamentario ing. Mike de Meza

GOBIERNO DI MEP TA LAGA PARKE DI PUEBLO BAY PERDI

Ta sumamente tristo pa mira con pa di tantisimo ocasion, por mira con gobierno di MEP no ta interesa pa atende y cuida loke gabinete Mike Eman I a construi pa bienestar di pueblo.

Ta trata aki di Lago Heights Hill Park, cu ta un parke cu wordo construi durante gobernacion di gabinete Mike Eman cu ta un parke familiar hopi bunita cu e pensamiento pa esaki ta pa uzo di famianan.

Parlamentario Mike de Meza a muestra cu ta di lamenta pa para mira con gobierno di MEP a laga e laga aki, cu awendia ta asina importante den formacion y cu ta permiti mucha- y hobennan distrai nan mes den seno di famia, ta bay perdi di e forma aki.

“Por bisa cu e cos aki ta algo tragico, ya cu un gobierno cu no tabatin vision, cu no a construi practicamente algo pa pueblo den

seis aña, no tabatin e decencia di percura pa loke nan a hereda di gobierno di AVP y cu ta propiedad di pueblo, wordo manteni y cuida pa pueblo por haci uzo di esaki.

“Tur hende cu pasa aki banda por mira un laga asina bunita, cu varios aparato pa haci ehercicio y espacio pa muchanan por hunga y diberti, a wordo laga un banda caminda e ta practicamente totalmente cubri pa yerba. E aparatonan cu tin na e



sitio aki, no a wordo manteni y gobierno di MEP ta prefera di laga esakinan bay perdi y no brinda pueblo e posibilidad pa sigui haci uzo di esakinan.

Aki mi tin cu menciona cu pa algun tempo, e propio ciudadanonan rond a percura pa mantene e

aparatonan aki pero dado momento e situacion a bay for di man y ta un laga cu hopi hende tabata haci uzo di dje pero awor laga ta perdi ya cu tin un gobierno cu no tin atencion pa bienestar di pueblo y tampoco tin vision pa yuda pueblo,” Mike de Meza a muestra.

CELEBRACION 18 DI MAART 2024

LO TA GRANDI NA PIEDRA PLAT



tuin nobo cu dino jump pa e muchanan y wegan popular pa tur edad y lo tin un espacio apart pa practica roller skate pa mucha y adulto.

Pa 12or di merdia cushinanan lo ta habri cu benta di cuminda criollo y cu diferente otro tipo di cumindanan. E bar lo ta habri for di 9 or di mainta. Show cultural ta cuminsa 1:00pm. cu diferente bandanan musical y bailenan folklórico.

Lo tin tentnan grandi pa sinta come y disfruta di e show cultural.

Pa 4:30pm lo tin e famoso balansamento di auto cu chens pa gana primionan. E actividad completo lo tuma lugar ariba e parkeerplaats di C.B. Piedra Plat/CDFB y lo termina pa 6:00 PM.

Nos ta invita e pueblo di Aruba en general y tur e habitantenan di e bario di Piedra Plat y vecindario pa bin celebra y disfruta nos dia di Himno y Bandera 18 di maart 2024. Den nos bario. Aruba ta nos baranca stimá.



5 organisacion ta uni pa hasi e evento grandi aki. C.B. Piedra Plat, Centro Famia Piedra Plat, Fundacion Car-Ritmo, SV Britannia y Roller Skate Aruba.

Lo tin un programa cu lo

deleita grandi y chikito, cuminsando for di 9 or di mainta cu un koffie morgen y weganan di football pa mucha, tentnan cu benta di artesanía, cos dushi, Pasa boca criollo, mata y mucho mas. Tambe lo tin apertura di un speel-



Chaco Taekwondo Academy tabata tin un tremendo car wash




Den fin di siman Chaco Taekwondo Academy bou guia di Master Miguel Genser, Master Melvin Rasmijn y Master Yoshmar Wever a organisa un car wash pa recauda fondo pa realisa varios proyecto cu tin pa aña 2024. E comision di mayornan a pone man hunto cu e atletanan di Chaco Taekwondo Academy pa laba cada auto cu a bin pa haña nan briyo.

For di 10'or di mainta e prome auto a yega y te cu 2'or di atardi e autonan a yega un tras di otro. Ivan Jansen a kita tur stof cu tabata tin ariba e autonan cu e pressure washer, sigui pa John cu a spula e autonan cu habon pa despues Nicholson kita e habon y sigui pa Mirian y su team di damas a seca e autonan. Asina e dia a bay tur auto a pasa manera un lopende band y nan auto a keda mustra manera nobo.

Chaco Taekwondo Academy ta gradici e pueblo cu a sostene e car wash y specialmente e team di Chaco Taekwondo Academy cu a laga tur e autonan briya.

Danki na CW Clean-Wheels Carwash & More cu a sostene y kere den e proyecto di Chaco Taekwondo Academy.



PRONOSTICO DI TEMPO

TEMPO VALIDO TE DIAMARS 12 DI MAART 2024, 18:00 ORA

TEMPO:

AWE TARDI Y AWE NOCHI: PARCIALMENTE NUBLA Y GENERALMENTE SECO
DEN MARDUGA Y MAYAN: PARCIAMENTE NUBLA SIN AWACERO DI IMPORTANCIA

TEMPERATURA MAXIMO 32 GRADO CELSIUS

TEMPERATURA MINIMO 26 GRADO CELSIUS

INDICE DI CALOR (HEAT INDEX) DEN Y ROND

DI ORANAN DI MERDIA: 33 PA 38 GRADO CELSIUS

UV INDEX: 10

POTENCIAL DI AWACERO PA PROXIMO 24 ORA:

1 MM OF MENOS; LOCALMENTE ESAKI POR TA DIFERENTE.

REGISTRACION DI TEMPERATURA (GRADO CELSIUS) Y

AWACERO (MM) DEN ULTIMO 24 ORA (8'AM PA 8'AM):

PRONOSTICO DI TEMPO PA PROXIMO 3 DIANAN:

PARCIALMENTE NUBLA CU UN POSIBLE AWACERO PASAJERO.

BIENTO LO TA FOR DI DIRECCION OOST Y MODERA

TE BASTA FUERTE, FUERTE TE POSIBLEMENTE DURO DEN RAFAGA.

TEMPERATURA (GRADO CELSIUS)
MAX / MIN LO TA: 32 / 26

DESPUES DI UN EDICION EXITOSO NA 2023, CAS DI CULTURA UN BIAHA MAS TA ORGANISA E CONCIERTO DI APERTURA DI ARUBA DOET PA SU BOLUNTARIONAN Y TAMBE PA PERSONANAN CU LIMITACION

FREE ADMISSION!

CAS DI CULTURA PRESENTS

ARUBA DOET

OPENING EVENT

SING-ALONG CONCERT! WITH THE BLUE MERMENS

RICARDO AÑASGO RENO STEBA SERGHIO JANSEN VIRGINIA RASMIJN RICHARD HOLMOND

DATE: 14 MARCH 2024
TIME: 7PM - 9PM
DOORS OPEN 6:30PM
LOCATION: CAS DI CULTURA

SURPRISE ACT ATANIRO

PLEASE RESERVE YOUR SEATS BY EMAILING: info@casdicultura.aw

CEDE ARUBA **oranje fonds**

PROCEEDS CAS DI CULTURA

Riba diahuebs, 14 di maart 2024 tur boluntario di Aruba Doet y pueblo di Aruba henter ta invita pa un anochi yena cu musica y canto. E concierto ta cuminsa 7'or di anochi den e auditorium (sala grandi) di Cas di Cultura y entrada ta completamente gratis. Pa reserva lugar mester manda un e-mail na info@casdicultura.aw. E banda musical "The Blue Mermens" lo habri e anochi cu ritmo y ambiente di Virginia Rasmijn, Reno Steba,

Sergio Jansen, Ricardo Añasgo y Richard Holmond.

Ataniró y DJ Sky tambe lo ta "den cas" y e anochi lo finalisa cu karaoke, unda cu publico lo por subi escenario y demonstra nan talento. E evento lo ta di 7'or pa 9'or di anochi.

Un y tur ta keda cordialmente invita pa un anochi alegre, na unda inclusion di esnan cu limitacion ta central. Aruba Doet ta wordo organisa door di CEDE Aruba den colaboracion cu

Oranje Fonds. Cas di Cultura ta gradici tur esnan cu a inscribi pa bira bol-

untario y cu lo ta activo durante henter e fin di siman aki cu varios

proyecto na beneficio di nos comunidad.

HOROSCOPO

12 di maart 2024

Un feliz y productivo dia. Aki Solo di Pueblo ta presenta bo Horoscop pa dia 12 di maart 2024.

Aries

Pa reinicia un relacion cu a kibra, awe ta un bon dia. Si bo no tene cuidao, bo por haya dificultad economico. E asuntonan laboral lo bay rekeri di hopi energia. Percura pa tuma alimento mas rico den vitamina C. Number di suerte: 26, 18, 2.

Tauro

Gara mas curashi y hinca bo mes den un aventura pasional. Gasto relaciona cu bo cas lo presenta. Bo bida profesional ta enriquecido. E tension constante ey lo costa bo salud. Number di suerte: 25, 82, 3.

Geminis

Probablemente lo aparece un hende hopi special den bo bida. Tuma bek e negoshinan cu otro a bandonna. Reanuda trabao cu pa algun tempo bo tin paralis. Tene na cuenta cu e molesternan ey, consulta cu bo dokter. Number di suerte: 45, 28, 7.

Cancer

Conta cu e sosten dicidido di bo sernan keri. Tur e papeleo ey ta necesario pa disfruta di bo herencia. Maneha bo asuntonan laboral cu tactica. Siña controla e atakenan ey di an-

siedad. Number di suerte: 76, 56, 7.

Leo

E sentimentonan lo ta liga na nostalgia. Kisas lo bo ricibi un pago inespera cu lo sali bo di bon. Recompensa bo esfuersonan profesional. Un golpi sin importancia lo por causa bo algun malestar. Number di suerte: 12, 73, 4.

Virgo

Lo bay ta dificil baha cabes na bo pareha, cu kende bo tabata inhusto. Awe bo cuentanan lo stop di respira. Bo hefenan lo balora bo mas cu nunca, aunke nan no lo bisa bo. Bo ta den bon condicion fisico y mentalmente. Number di suerte: 35, 78, 2.

Libra

Lo bo konkista e persona cu bo ta interesa den dje. Bo calidad di bida lo mehora, danki n'e negoshi nobo aki. Bo tension na trabao lo contribui na un sorpresa agradabel. Lo bo bay ta hopi saludabel. Number di suerte: 32, 44, 1.

Scorpio

Un atardi agradabel y hopi relaha cu amigo. Bo economia no ta den e miho momento. Trankilidad den e aspecto profesional. P'a bo ta saludabel, haci algo di ehercicio fisico. Number di suerte: 42, 83, 2.

Sagitario

No tene miedo n'e posibel amor ey. Tuma precaucion y asina lo bo evita di ipasa den preta economico. Lucha tur loke bo por pa mehora bo trabao. Corda riba bo bishita na dokter, ta mihio preveni. Number di suerte: 12, 74, 8.

Capricornio

E derochamento di pasion ey, disfrut'e cu bo pareha. Pone e plan ey di spaar cu bo a bin ta pensa riba dje, den practica. E oferta ey di trabao no lo ta hopi tentado. Algun les di gimnasia lo mantene bo den forma. Number di suerte: 18, 75, 7.

Acuario

Encuentro romantico hopi satisfactorio. Awe bo por cumpra e capricho ey cu tanto bo ta desea. E momento profesional lo obliga bo asumi riesgo. Pa bo desapare e molesternan ey, drumi mas. Number di suerte: 76, 16, 6.

Piscis

Si bo tin keho den bo relacion, expone nan. Un dificultad financiero por retrasa e negoshi nobo ey. Bo ta cosechando reconocimiento na bo luga di trabao. Si bo ta un humado, ta un bon momento pa bo stop di ta uno. Number di suerte: 87, 34, 1.

Clasificados

CLASSIFIEDS

SOLODIPUEBLO@GMAIL.COM
CEL. 585 9500

SOLO De Pueblo

Parlamentario independiente Rycond do Nascimento: Ainda Gerlien su curason ta berde berde 10 maart 2024

Parlamentario independiente Rycond do Nascimento ta splica dicon y Gerlien Croes su curason ainda ta berde berde. Rycond y Gerlien a drenta e filanan di partido AVP destina pa bira lidernan prominente di e partido. Na 2021 partido a duna ambos politico un number halto riba su lista di candidato. Di e forma aki, AVP a prepara caminda pa un carera politico largo pa nan cu perspectiva sigur pa bira minister. Pero, e posicionnan 5 y 4 riba e lista tabatin su prijs. Tiki tiki AVP tabata spera mas di Rycond y Gerlien pa nan sostene sistema di patronahe politico. Poco poco AVP tabata kier mas hustificacion di ex-ministernan Paul Croes y Benny Sevinger. Mientras tanto AVP tabata gaña mas y mas encuanto e sentencianan, e soborno y e fixnan corrupto. Tur hende por a mira AVP perde tur tipo di berguensa y enfoca completamente riba poder. P'esey AVP ta busca trigger emocion di pueblo cu diferente tipo di slogan pa evita cu pueblo ta realisa e condicion di e partido.

For di 17 di maart te dia 17 di april 2023, e ancianonan di AVP a pone e valornan fundamental di Rycond y Gerlien na prueba. Dia 17 di maart, Mike Eman a manda Mike de Meza na e show radial Enfoke pa gaña henter pais, pa mira si Rycond y Gerlien lo muestra lealtad na sistema di patronahe politico. Rycond a dicidi confronta partido publicamente y denuncia e engaño. Dia 14 di april, Mike Eman mes a gaña henter pais bisando cu hues a

sentencia Benny Sevinger pa corrupcion solamente pa salba cara di ministerio publico. Despues, Mike Eman a anuncia un reunion di partido pa dia 17 di april pa dicidi si Benny Sevinger lo keda den parlamento pa AVP. Durante e reunion, abogado Hans Sjiem Fat tabata invita pa troce e berdad pa partido, pa asina tur hende vota pa tene Benny den parlamento. E dia ey Rycond no a warda ningun momento extra pa anuncia cu e ta bandona AVP de inmediato. Den un entrevista nacional el a splica pueblo cu e no por sostene un partido cu ta riba un rumbo di acelera corrupcion den nos sociedad. E bon comun tabata mas importante pa Rycond cu sigui riba un caminda politico di exito personal den un marco corrupto. Rycond tabata convenci cu e mester tuma un posicion fuerte pa berdad y contra corrupcion.

Gerlien, na su turno, no tabatin ningun gana pa bandona AVP dia 17 di april. En bes di expresa problema cu e rumbo corrupto, el a expresa di a sinti su mes humilia, pasobra e ancianonan no a invit'e pa un reunion secreto. Despues di reunion di partido dia 17 di april, Gerlien a dicidi pa negocia mas influencia den partido. El a hiba reunionan largo cu Mike Eman. Gerlien tabata tin contacto cu Leoncita Arends y Pieter Susebeek y tabatin diferente reunion cu su circulo intimo. Na mes momento reunionnan a tuma luga entre Henny Eman, Hans Sjiem Fat y e omo di Gerlien, esta Duke Croes. Un grupo den Gerlien su

circulo intimo a conseha pa no acepta liderazgo di partido AVP, pasobra famia Eman lo manda un di nan mes, Trevor Eman, pa studia derecho pa asina tuma liderazgo di partido over. Na final di dia Gerlien lo mester a duna poder bek na Trevor, mescos cu Tico Croes mester a duna poder bek na Mike Eman. Tambe tabatin preocupacion cu Benny Sevinger tabata preparando su yiu muher pa bira su sucesor politico. Asina Gerlien a anticipa hopi lucha pa poder den partido. Gerlien y Mike ta e uniconan cu sa exactamente e resultado di tur e negociacion aki...


Loke si nos sa, ta cu Gerlien a tarda un luna mas cu Rycond pa anuncia su retiro for di AVP. Ademá el a anuncia su salida riba dia 15 di mei 2023 den un conferencia di prensa den presencia di Mike Eman. Na final di su anuncio Mike a duna Gerlien un brasa caluroso. Nunca Gerlien a realmente denuncia corrupcion den AVP. Tampoco el a e menciona e idiotez pa laga un persona convicto pa soborno sigui representa AVP den parlamento. Desde cu el a sali for di AVP el a continua cu e politica sensacionalista di pone enfasis riba su shimis berde y buscando pleito cu ministernan y parlamentarionan di MEP.

Gerlien ta demostra asina cu su curason ta berde berde ainda. Na december 2023 Gerlien a duna sosten den parlamento na e esfuerzo pa proyecta Mike Eman como proximo minister-president. Tur hende por a mira Gerlien muestra su lealtad na e sistema di

mentira durante e programa di Enfoke di dia 4 di maart ultimo. El a sali gaña henter pais cu Rocco Tjon a introduci un ley pa aumenta detencion di sospechoso penal den celnan di polis te na 20 dia. Ora nos analisa mensahenan di Gerlien for di tempo cu el a laga AVP, e no a haci nada otro sino muestra potret di su mes, mientras cu e ta evita di papia di corrupcion, pintando su mes hopi biaha como victima di sexismo. Mientrastanto el a cuminsa un partido nobo hunto cu Daphne Lejuez cu respal-



do di un grupo di AVP. Su partido ta AVP 1.3 diseña pa haya voto di votadornan desilusiona di AVP, pa asina yuda AVP bolbe den poder. Esaki ta e peligernan di mantene un curason berde cu solamente ta anhele poder y exito politico.



	7		6					
	9		5		3		1	7
				1				
	8						4	3
		2				6		
4	5						7	
				3				
7	4		2		5		6	
					4		2	

3			4			1		
						7		
	8		6					4
2			3	9		6		
4			5					
1		7				9		
						8		
	4						6	
		6	8	1			5	7



Ta revela un factor inespera cu por provoca diabetes

Adulto cu ta drumi solamente di tres pa cinco ora pa dia, tin e mayor riesgo pa desaroya diabetes tipo 2, independientemente di su estilo di bida, segun un estudio realisa pa un ekipo di investigado Sueco, cual resultado a wordo publica den e revista JAMA Network Open.

E investigadonan a realisa e datonan di 247.867 persona adulto obteni p'e Biobanco di Reino Uni y a haya cu e individuonan cu tabata drumi menos di 6 ora diario tabatin un riesgo notablemente mayor di desaroya diabetes tipo 2, compara cu esunnan cu tabata drumi entre 7 y 8 ora.

Es mas, e peligro asocia cu un duracion cortico di soño a persisti hasta entre e adultonan cu custumber alimentario saludabel.

"E investigacionnan anterior a demostra cu descanso diario breve y ripiti ta aumenta e riesgo di diabetes tipo 2, mientras cu e custumbernan alimentario saludabel, manera consumo regular di fruta y berdura, por reduci e riesgo," Diana Noga, investigado di e Universidad di Uppsala (Suecia) y un di e autornan di e estudio, a comenta.

"Sinembargo, ainda no ta cla si e personanan cu ta



drumi hopi poco por reduci e riesgo di desaroya diabetes tipo 2 alimentando di forma saludabel," el a agrega. Cu tempo, e falta cronico di soño por causa daño grave, particularmente n'e nervio y e adernan, y por lo tanto ta representa un problema di salud publico den aumento na nivel mundial.

"Nos resultadonan t'e promenan pa cuestiona si un dieta saludabel por compensa e falta di soño den termino di riesgo di diabetes tipo 2. No mester ta motibo di preocupacion, sino mas bien ta mira como un recordatorio cu soño ta hunga un papel importante den salud," Christian Benedict, autor principal di estudio, ta sigura.

<div><div>Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com Resultado : Sorteo 11 Maart 2024 Merdia</div></div>		
<div><div></div><div>Sorteo # 4207</div><div>2846</div><div>4369</div><div>2076</div><div></div><div>X3</div><div></div><div>Sorteo # 4207</div><div>5962</div><div></div><div>X2</div><div></div><div>Sorteo # 2263</div><div>6956</div><div></div><div>Sorteo # 4207</div><div>0361</div><div>Virgo</div><div></div><div>Sorteo # 1081</div><div>630</div><div></div><div>X2</div></div>	<div><div></div><div>Sorteo #</div><div>0 x Jackpot</div><div>0 x Match 4+</div><div>0 x Match 4</div><div>0 x Afl. 12,00</div></div> <div><div></div><div>Sorteo #</div><div>0 x Jackpot</div><div>0 x Match 4</div><div>0 x Afl. 8,00</div></div> <div><div></div><div>Sorteo #</div><div>0 x Jackpot</div><div>0 x match 4</div><div>0 x Afl. 500,00</div><div>0 x Afl. 50,00</div><div>0 x Afl. 15,00</div></div> <div><div></div><div>Sorteo #</div><div>0 x Jackpot</div><div>0 x match 4</div><div>0 x Afl. 500,00</div><div>0 x Afl. 50,00</div><div>0 x Afl. 15,00</div></div>	<div><div>Joker</div><div>Letter</div><div>Proximo Jackpot</div><div>110.000,-</div></div> <div><div>Proximo Jackpot</div><div>70.000,-</div></div> <div><div>Mega Ball</div><div>Proximo Jackpot</div><div>260.000,-</div><div>Afl. 360.000,-</div></div> <div><div></div><div>Sorteo #</div><div></div></div>

STUDIANTENAN TA RICIBI NUMBER DI IDENTIFICACION PERSONAL (BSN) ORA HACI PETICION PA FINANCIAMENTO DI ESTUDIO NA HULANDA

For di 1 di april 2024, studiantenan di region Caribense cu ta bai studia na Hulanda, lo haya un number di identificacion personal (BSN) ora nan haci peticion pa financiamentu di estudio. Esaki ta permiti nan regla algun asunto relata na nan estudio for di region Caribense caba. Esaki ta un deseo di hopi tempo cu porfin ta bira realidad.



Te cu awor, studiantenan for di Boneiro, Saba, Sint Eustatius, Aruba, Corsou of Sint Maarten solamente por pidi un BSN ora nan inscribi nan mes na un municipio na nan yegada na Hulanda. Esaki ta nifica cu nan por regla hopi di nan asuntonan na momento cu nan yega Hulanda numa. Pa elimina e bottleneck aki, Dienst Uitvoering Onderwijs (DUO) den colaboracion cu Ministerio di Enseñansa (OCW), Ministerio di Asuntunan Interno (BZK) y Rijksdienst voor Identiteitsgegevens (RvIG) a percura pa studiantenan Caribense por ricibi un BSN mas tempran.

Pidi BSN via telefon na DUO
DUO ta comparti dato di e estudiante cu Rijksdienst voor Identiteitsgegevens (RvIG) pa tur peticion pa financiamiento di estudio for di region Caribense entrega prome y despues di 1 di april, pa aña academico 2024-2025. Ora RvIG procesa e informacion, nan ta manda un carta cu e BSN pa e estudiante. Pa motibo cu post den region Caribense por tarda, e estudiante tin e posibilidad tambe pa pidi e BSN via telefon na DUO. Locual ta keda mescos den e proceso ta cu, studiantenan Caribense mester inscribi nan mes ainda na nan yegada na Hulanda dentro di 5 dia na e municipio cu nan ta bai biba.

Facilidad pa regla asun-

tonan
Cu e BSN, studiantenan por pidi un DigiD prome cu nan yegada na Hulanda, locual nan por uza pa dreña na websitenan di gobierno Hulandes. Asina, studiantenan por dreña, por ehempel, riba Mijn DUO y mira e suma di nan financiamiento di estudio, informa tocante cambio y ricibi mensahenan personal. Tambe por pidi un sita na algun municipio nan inscribi nan mes unda nan lo bai biba.

Informacion den region Caribense
For di 2 pa 26 di april, personal di DUO lo ta na tur e islanan di Caribe pa duna informacion tocante financiamiento di estudio na studiantenan cu ta bai studia y nan mayornan. Durante e reunionnan aki, tambe lo duna splicacion tocante BSN y otro asunto cu studiantenan mester regla pa nan estudio na Hulanda. Ademas, DUO lo habri un oficina di servicio temporal na kada un di e islanan aki, unda studiantenan por acudi cu nan preguntanan. Ex-estudiante tambe por bishita e oficina cu nan pregunta tocante pago di nan debe di estudio si nan tin esaki.

Pa mas informacion tocante e reunionnan di informacion y oficianan di servicio temporal, bishita duo.nl/bezoekantillen.

WOMEN'S CLUB OF ARUBA TA RECORDA MIEMBRO STIMA, SRA. NENA PONSON

Señora Nena a nace na 1936 na Colombia bao di e nomber di Edith Elvira Fawcet.

Sra. Nena a bira miembro di Women's Club of Aruba (WCA) na año 1985 y ta-

bata miembro pa 39 año. Nena tabata un miembro masha fiel y casi tur luna e tabata presente na e reunion general di miembrecia y tabata socialisa cu su amiganan di club entre

otro Fanny, Emperatriz, Raquel, Selsa, Justine y otro nan cu ya no t'ey mas. Nena cu su aparencia semper bunita y elegante y cu su cariño y amabilidad ta trece alegria den e sala.

Nena tabata participa na varios di e actividadnan di Study Group manera bus-trip, bishita na museo, etc. Un evento di Study Group cu a keda masha presente pa nos tabata esun di e paisnan representa den WCA. Ora cu Colombia tabata anfitrión di e evento, esaki tabata tremendo cu koffie Colombiano, pasapalo y cuminda Colombiano, musica di cumbia y bunita decoracion geel, blauw, cora, luciendo asina den nan trahe nacional. Den esaki Nena tabata esun cu tabata deleita esnan presente.

Tambe Nena tabata den un grupo di amiga cu yama "Rusty Nails" cu te dia di awe ta existi. Nan tabata bini hunto pa traha entre otro obranan di man pa bende na nos Christmas Bazaar di december pa recauda fondo pa club. Y si tin un reunion general cu tema pa bisti sombre creativo, Nena sigur ta bini cu un masha bunita mes di su mesun creacion.

Nena tabata semper cla pa yuda WCA cu shownan di moda, cu tabata mas tanto den luna di november, y mientrastanto ya Manchito's a crea un coleccion selectivo pa dama tambe. Mayoria di e shownan di moda tabata cera cu un bunita bisti di bruid, creacion di Nena mes y modela pa su nieta Monique. Di mes cu Manchito's tabata presente na nos proyecto di "It's Raining Man" 2014-2016. Pa mas cu un



decada, Nena a permiti WCA pa bende ticket pa reunion general y di tur otro proyecto pa recauda fondo, semper Manchito's tabata un punto di benta bon conoci.

Na varios reunion general di miembrecia of na proyectonan di celebracion di su club stima, Nena tabata deleita esnan presente cu su declamacion. Tur ora e tabata bisa 'si' pa declama pa e miembro y invitadonan, lagando tur cu momentonan hopi alegre y otro cu lagrima na wowo. Hasta tin biaha e ta skirbi pa ocasion special, manera pa e evento di HIV/ AIDS añanan atras. Nena tabata tin un mente masha sano mes; pa menciona cu el a comparti cu nos, despues di un declamacion recien, cu e ta trahando riba un poesia di 38 couplet y mesora tambe el a declama ey mes na mesa algun couplet fo'i cabes. Tabata un poesia di un storia romantico. Claro

cu mayoria di su poesianan ta skirbi na Spaño, su lenga materno. Asina nos por mira cu Nena cu tur su ocupacionnan, semper tabata pendiente di su club stima pa coopera mesora.

Na año 2015 Sra. Nena a keda reconoci como Life Member, manera ta stipula den nos reglamentonan, si bo a cumpli 80 año y bo ta 30 año of mas miembro di WCA, bo ta bin na remarca pa bira Life Member. Si bo ta miembro pa 40 año, tambe esaki ta conta.

Awe cu tristesa na curason, WCA ta tuma despedida di nos miembro y ex-reina stima, un gran dama, un muhe di caracter, un señora cu un curason di oro, cu a pone su talentonan den mocion y a comparti su bondad, cu a stima Aruba y su hendenan. Un gran ehempel pa hopi. Sosega na paz, Nena stima!

Gradicimento y Invitacion

Na nomber di su yuinan, Anthony, Angelo y Andy Kirchner, kier a gradici tur esnan cu na un manera of otro a duna nan sosten, consuelo y forsa durante e tempo dificil cu e fayecimento y entiero di nos defunto stima:



Glenda Helena Goeloe

Boso muestra di atencion ta di hopi aprecio y un gran sosten pa nos. Un danki na un y tur cu a manda carichi, krans, whatsapp, email y a hasi yamada nan telefonico.

Boso muestra di atenshon tabata un gran consuelo pa nos.

Na mes momento nos ta invita famia, bisiña, amigo- y conocirnan pa compaña nos na 3 Santo Sacrificio di Misa na misa Santa Filomena na Paradera; diamars 12 di maart, diahuebs 14 di maart y diasabra 16 di maart pa 7 pm.

Boso presencia ta altamente aprecia.

PUEBLO A HAÑA SU PEN BEK

Pa kualkier informacion
solodipueblo@gmail.com
of
☎ 585-9500